



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00 i 102/09), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2008. GODINU KONGRESNE NARODNE STRANKE ZAŠTITE PRAVA BORACA I GRAĐANA – PRAVDE I MORALA REPUBLIKE BIH

Broj: 03-07-6-10/09
Sarajevo, 12.01.2010. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	6

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled godišnjeg finansijskog izvještaja Kongrene narodne stranke zaštite prava boraca i građana – pravde i morala Republike BiH za 2008. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Kongrena narodna stranka zaštite prava boraca i građana – pravde i morala Republike BiH nije ispoštovala odredbe člana 11. stav (3) i stav (4) Zakona o finansiranju političkih stranaka jer finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka i nije dostavila dodatnu dokumentaciju na zahtjev Centralne izborne komisije BiH.

Pregledom, odnosno kontrolom finansijskog izvještaja, osim gornje napomene nismo zapazili ništa značajno što bi ukazalo na nedostatke u finansijskom izvještaju ili finansiranju ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled godišnjeg finansijskog izvještaja Kongresne narodne stranke BiH za 2008. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08).

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Kongresna narodna stranka BiH u 2008. godini je ostvarila prihode u iznosu od 3.000,00, čija struktura je data u sljedećoj tabeli:

Red.b r.	Vrsta prihoda	Iznos u KM	Učešće u Uk.prih. %
1	Članarina	0,00	
2	Prilozi fizičkih lica	0,00	
3	Prilozi pravnih lica	3.000,00	100%
4	Prihodi od imovine	0,00	
5	Prihodi od pr.lica	0,00	
6	Prihodi od poklona	0,00	
7	Prihodi iz budžeta	0,00	
	Ostali prihodi	0,00	
	Ukupni prihodi:	3.000,00	100%

U godišnjem finansijskom izvještaju Kongresna narodna stranka BiH je iskazala ukupne rashode u iznosu od 2.312,00 KM.

2. PREDSTAVLJANJE POLITIČKE STRANKE

Naziv političke stranke: Kongresna narodna stranka zaštite prava boraca i građana – pravde i morala Republike BiH. Skraćeni naziv stranke je KNS BiH.

Politička stranka je registrovana 05.01.1998.godine kod Općinskog suda u Sarajevu, pod brojem R-I-5/97.

Sjedište političke stranke je u Tuzli, ulica Donje brdo br. 6.

Lice ovlašteno za zastupanje stranke je Enver Imširović - Munja, predsjednik.

Lice ovlašteno za podnošenje finansijskih izvještaja za 2008. godinu je Zlatija Šabanović.

Prema podacima iz finansijskog izvještaja, KNS BiH nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Kongresne narodne stranke BiH za 2008. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je Kongresna narodna stranka BiH u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Kongresne narodne stranke BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

U prethodnom periodu izvršen je pregled godišnjih finansijskih izvještaja Kongresne narodne stranke BiH za 2005., 2006. i 2007. godinu. Nakon obavljenih pregleda izdat je izvještaj o pregledu sa mišljenjem revizora, nalazima revizije i preporukama da stranka treba postupati u skladu sa odredbama člana 5. stav (1) Zakona o finansiranju političkih stranaka.

5. NALAZI I PREPORUKE

5.1. NALAZI

Kongresna narodna stranka BiH je prekršila odredbe člana 11. stav (3) i stav (4) Zakona o finansiranju političkih stranaka.¹

- Finansijski izvještaj nije popunjen u skladu sa Pravilnikom o godišnjim finansijskim izvještajima političkih stranaka („Službeni glasnik BiH“ broj 61/06).

Na obrascu 4-1 finansijskog izvještaja (Režijsko-administrativni i ostali troškovi), Kongresna narodna stranka BiH nije iskazala Troškove bankarskih usluga u iznosu od 75,00 KM i na taj

¹ U skladu sa odredbama člana 11. stav (3) Zakona o finansiranju političkih stranaka, stranka podnosi finansijski izvještaj u formi koju odobri Centralna izborna komisija, a u skladu s tim donesen je Pravilnik o godišnjim finansijskim izvještajima političkih stranaka kojim su propisani sadržaj i forma finansijskog izvještaja („Službeni glasnik BiH“ broj 61/06).

U skladu sa članom 11. stav (4) Zakona o finansiranju političkih stranaka, sva lica koja su obavezna da podnesu izvještaj, moraju podnijeti i dodatne izvještaje na zahtjev Centralne izborne komisije BiH.

načina umanjila ukupne toškove za pomenuti iznos, što je suprotno odredbama člana 21. Pravilnika o godišnjim finansijskim izvještajima političkih stranaka².

U obrascu 5 finansijskog izvještaja (Pozajmice, krediti i dugovi) stranka nije iskazala visinu rate koju je obavezna plaćati za primljene pozajmice kao i rok vraćanja pozajmica. Umjesto datuma vraćanja pozajmica stranka je uvela klauzulu "Kada bude sredstava" što nije u skladu sa članom 23. stav (1a) Pravilnika³.

- Stranka nije dostavila dodatnu finansijsku dokumentaciju.

Centralna izborna komisija je aktom broj 03-07-6-10/09 od 29.06.2009. godine od ove političke stranke zatražila da dostavi dodatnu finansijsku dokumentaciju vezanu za poslovanje stranke u 2008. godini. Kongresna narodna stranka BiH nije postupila po zahtjevu, odnosno nije dostavila traženu dokumentaciju, čime je prekršila odredbe člana 11. stav (4) Zakona o finansiranju političkih stranaka.

5.2. PREPORUKE

Preporučuje se Kongresnoj narodnoj stranci BiH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da postupa u skladu sa odredbama člana 11. stav (3) i stav (4) Zakona o finansiranju političkih stranaka, odnosno da finansijske izvještaje podnosi Centralnoj izornoj komisiji Bosne i Hercegovine u formi propisanoj Pravilnikom o godišnjim finansijskim izvještajima političkih stranaka te da dostavlja i podnosi i druge izvještaje na zahtjev CIK BiH.***

KOMENTAR

Kongresna narodna stranka BiH se u ostavljenom roku očitovala aktom od 06.01.2009. godine u kojem daje primjedbe na nalaze revizije.

Služba za reviziju u Centralnoj izornoj komisiji BiH je razmotrila prigovor stranke i konstatovala da primjedbe nisu argumentovane relevantnim dokazima. S obzirom na to da nisu dostavljeni dokazi koji bi uticali na nalaze i mišljenje dato u Preliminarnom izvještaju o pregledu godišnjeg finansijskog izvještaja za 2008. godinu, nalazi i mišljenje ostaju nepromjenjeni.

Mr. Hasida Gušić, šef Službe za reviziju – revizor

Veliborka Kravljača, pomoćnik revizora

² U skladu sa članom 21. Pravilnika o godišnjim finansijskim izvještajima političkih stranaka u obrazac 4-1 – Režijsko-administrativni i ostali toškovi, unose se svi troškovi osim troškova propagande, i sljedeći podaci: naziv organizacionog dijela političke stranke, vrsta troška, konto i iznos.

³ U skladu sa članom 23. stav (1a) Pravilnika o godišnjim finansijskim izvještajima političkih stranaka u obrazac 5 – obaveze po pozajmicama i kreditima unose se podaci: o davaocu kredita ili pozajmice, iznos kredita, datum realizacije kredita ili pozajmice, visina rate i rok vraćanja.